



sector exterior

ESTE CAPÍTULO, DEDICADO á análise do sector exterior da comunidade galega no ano 2001, está estruturado en tres grandes bloques. No primeiro deles, analízase a evolución das exportacións e importacións de bens e servizos dende o punto de vista sectorial, por capítulos arancelarios e segundo a súa distribución xeográfica. Na parte final do mesmo, faise referencia ás relacións comerciais entre Galicia e o norte de Portugal. Posteriormente, estúdase a situación do investimento galego no estranxeiro —en qué sectores e en qué países—, e finalmente, preséntanse os resultados para o ano 2001 do Plan de Fomento das Exportacións Galegas.

Para o desenvolvemento do mesmo tere-mos en conta os datos facilitados polo Instituto de Comercio Exterior (ICEX), o IGE, a Dirección Territorial de Comercio Exterior en Galicia, o Registro de Inversiones Españolas en el Exterior e Foexga.

Ó longo do ano 2001, en comparación co que acontece no contexto español, o comercio exterior galego presentou un crecemento superior ó estatal, rexistrándose un crecemento do 8,4% fronte ós 2,3% rexistrado polo comercio exterior de España. No que respecta á actividade exportadora, o valor das exportacións galegas no ano 2001 foi de 9.270,5 millóns de euros, un 11,7% superior ó rexistrado no ano precedente (3,6% para o conxunto do estado). O valor das importacións ascendeu a 9.372,8 millóns de euros, que representa un crecemento do 5,4% respecto o valor do ano anterior (1,3% en España).

Polo tanto a balanza comercial galega continúa co descenso do seu **déficit**, que no ano 2001 foi, segundo o ICEX, de 102,3 millóns de euros fronte ós 597,1 millóns do ano anterior. En termos porcentuais, o déficit comercial do ano 2000 é un 82,9% inferior ó rexistrado o ano precedente.

CADRO 1.4.1.

Taxas de cobertura do comercio exterior 2000-01

	2000	2001
	(%)	
OCDE	102,0	103,5
UE-15	100,5	103,5
Estados Unidos	62,1	61,9
Xapón	126,2	116,0
Galicia	93,3	98,9
España	73,3	74,9

Fonte: INE e ICEX

CADRO 1.4.2.

Taxas de cobertura e grao de apertura do comercio exterior das CC.AA. 2000-01

	Taxas de cobertura		Grado de apertura	
	2000	2001	2000	2001
	(%)			
Andalucía	83,4	84,5	27,1	25,1
Aragón	98,8	104,9	53,3	52,1
Asturias	85,8	76,3	26,3	24,5
Baleares	91,6	65,5	23,6	17,3
Canarias	23,2	22,5	19,1	17,4
Cantabria	99,1	93,5	36,9	37,5
Castela-A Mancha	55,1	53,2	24,4	25,1
Castela-León	97,9	99,0	48,0	44,7
Cataluña	68,9	72,5	72,3	70,9
Comunidade Valenciana	121,1	117,2	47,0	45,9
Extremadura	185,7	208,8	10,1	10,2
Galicia	93,3	98,9	52,8	54,0
A Coruña	62,2	63,0		
Lugo	74,9	81,4		
Ourense	199,8	200,2		
Pontevedra	110,5	117,6		
Madrid	33,6	34,3	52,6	48,8
Murcia	78,1	78,3	50,7	50,8
Navarra	125,5	111,0	82,3	74,0
País Vasco	112,7	113,3	56,5	51,8
A Rioxa	123,3	130,4	32,6	32,0
Total	73,3	74,9	48,2	46,2

Fonte: Elaboración propia CES-Galicia a partir de datos do IGE, INE e da Dirección General de Aduanas

A taxa de cobertura, recollida nos **cadros 1.4.1. e 1.4.2.**, foi do 98,9% (no ano 2000 foi do 93,3%), vintecatro puntos por riba da experimentada por España que foi do 74,9% (no 2000 era do 73,3%). Comparado co resto das comunidades autónomas, no ano 2001 Galicia é a oitava comunidade con maior taxa de cobertura.

No estudio do sector exterior galego, apréciase unha forte **concentración e especialización** do comercio exterior. Por unha banda, a provincia de Pontevedra acapara o 64,4% do comercio exterior da comunidade; por outra, a Unión Europea (especialmente

Francia e Portugal), segue a se-lo principal socio comercial, ó acolle-lo 82,6% das exportacións galegas e o 62,4% das importacións.

Atendendo ós produtos comercializados, tamén se constata a devandita especialización do sector exterior. Así, un só capítulo arancelario, o capítulo 87 (vehículos automóbiles, tractores, ciclos e demais vehículos terrestres, partes e accesorios), representa o 32,1% e o 49,9% do total das importacións e exportacións galegas, respectivamente. O peso relativo dos 10 primeiros capítulos de importación e exportación sitúase no 79,9% do total das exporta-

cións e no 78% no caso das importacións galegas no ano 2000.

En canto ó fluxo do **investimento galego no estranxeiro**, este acadou os 419,8 millóns de euros no ano 2001, (o 0,6% do total investido por España nese ano) dos que os países latinoamericanos reciben o 89,9%. Asemade, pode salientarse que Galicia concentra a meirande parte do seu investimento no estranxeiro no subsector de fabricantes de vehículos motor e compoñentes, que acolle o 80,6% do total investido (no conxunto do estado é inferior ó 21%).

Comercio exterior

Tendo en conta a ralentización do crecemento a nivel internacional, ó longo do ano 2001 o sector exterior galego presentou unha minoración do seu ritmo de crecemento, ó rexistrar o valor total das exportacións e das importacións galegas un crecemento do 11,7% e 5,4% respectivamente, cando no ano anterior o crecemento superaba claramente o 30%.

Esta evolución permitiu unha **reducción do déficit** da balanza comercial galega, que se sitúa en 102.274 miles de euros (fonte ICEX), un 82,3% inferior ó rexistrado o ano 2000 (597.111 miles de euros). A taxa de cobertura, **cadro 1.4.2.**, acada o 98,9% (en 2000 era do 93,3%), 24 puntos por riba da experimentada por España que foi do 74,9% (en 2000 era do 73,3%).

O grao de apertura da economía galega no ano 2001 –medido pola relación entre o valor total das exportación e importacións galegas (fonte:ICEX) e o produto interior a prezos de mercado– foi do 54%, sendo a terceira comunidade con maior grado de apertura por detrás de Navarra e Cataluña (**cadro 1.4.2.**).

• Importacións

O **cadro C.1.5.** (*Importacións e exportacións de Galicia e España 2000-01*) amosa

o diferente ritmo de crecemento das importacións galegas e españolas, así como o diferente peso relativo do valor das importacións das diferentes provincias galegas no total da comunidade. O peso relativo das importacións galegas no total español acada o 5,25% no ano 2001 fronte ós 5,46% do ano anterior.

Pontevedra segue a se-la provincia importadora máis importante, acollendo (**Gráfico C.1.2.- Importacións 2000: distribución provincial**) o 59% do valor total das importacións galegas, en tanto que Ourense e Lugo son as que teñen unha menor participación nos intercambios de Galicia co exterior ó representa-lo 2% e o 4%, respectivamente. Comparado co ano anterior, prodúcese un aumento do peso relativo das importacións pontevedresas no total galego (57% no ano 2000), ó contrario do que acontece no caso da provincia de A Coruña (pasa do 37% de 2000 ós 35% de 2001).

Centrándonos na **análise sectorial** das importacións, **cadro 1.4.3.**, o valor total das importacións de produtos non enerxéticos medrou un 10,5% respecto ó ano 2000, sendo a importancia relativa das mesmas no total galego de 87,3% e do 5,4% no caso estatal. As importacións de produtos enerxéticos descendén un 20%, sendo o peso relativo no total estatal do 6,2%.

A contía das importacións correspondentes ó **sector primario** presenta no ano 2001 unha taxa de crecemento do 16,1%, estando este crecemento explicado fundamentalmente pola evolución dos produtos agrícolas, que medran un 20,1% respecto ó ano anterior. Representan o 24,7% do valor total das importacións galegas e o 9,1% das importacións españolas do sector, sendo a partida máis importante a de pescados e crustáceos, moluscos e outros invertebrados acuáticos (03), que representan o 14,1% do total de importacións galegas. Entre os dez primeiros capítulos galegos de importación para o ano 2001, tamén está o capítulo 44 (Madeira, carbón vexetal e manufacturas de madeira),

1.



Importacións 2001: distribución sectorial

	Importe	01/00	sector/total	G/E
	(en millóns de €)		(%)	
Enerxéticos	1.189,7	-20,0	12,7	6,2
Non enerxéticos	8.183,1	10,5	87,3	5,4
Sector primario	2.310,0	16,1	24,7	9,1
Productos agrícolas	1.777,0	20,1	19,0	10,1
Materias primas	533,0	4,6	5,7	6,7
Semimanufacturas	1.141,6	15,6	12,2	3,1
Industria química	564,2	32,5	6,0	2,4
Metais	526,4	0,8	5,6	4,5
Outras semimanufacturas	51,0	28,6	0,5	2,9
Manufacturas	4.731,6	6,8	50,5	5,3
Bens de equipamento	3.601,0	2,7	38,4	5,3
Maquinaria	498,9	-0,2	5,3	1,3
Materiais de transporte	3.102,1	3,2	33,1	10,1
Bens de consumo	1.130,5	22,0	12,1	5,2
Peletería	77,6	39,1	0,8	4,7
Téxtiles	786,4	30,0	8,4	9,6
Outros bens de consumo	266,5	0,3	2,8	2,3
Total	9.372,8	5,4	100	5,5

Fonte: ICEX

que representa o 2,9% do valor total das importacións galegas.

O subsector das **semimanufacturas**, **cadros 1.4.4. e C.1.6.** (*Importacións 2000: principais capítulos e importacións da Unión Europea, Francia, Portugal e Mercosur*), presenta no ano 2001 un crecemento do 15,6% respecto ó ano anterior. Representa o 12,2% das importacións totais galegas e o 3,1% das importacións españolas deste subsector. Dentro do mesmo salienta o crecemento das importacións correspondentes á industria química (un 32,5%), atopando entre os dez primeiros capítulos de importación de Galicia o capítulo 72 (fundición, ferro e aceiro) que representa o 2,6% das importacións galegas.

No concenrente á importación de **manufacturas**, que é o compoñente máis importante das importacións galegas (significan o 50,5% das mesmas), estas rexistran unha medra do 6,8% respecto ó ano 2000. O valor das importacións do subsector bens de consumo medrou un 22% mentres que o dos bens de equipamento o fixo nun 2,7%.

Entre os capítulos de importación máis importantes pódese salientar o 87 (automóbil,

tractores, ciclos e demais vehículos terrestres, as súas partes e accesorios), que segue a se-lo principal capítulo importador e supón o 32,1% das importacións galegas; as partidas incluídas dentro do sector téxtil, capítulos 61 e 62, que en conxunto acollen o 5,9% das importacións totais; e o 84 (reactores nucleares, caldeiras, máquinas, aparatos mecánicos, partes), que é a cuarta partida importadora co 3,4% das importacións galegas.

A **distribución xeográfica** das importacións galegas no ano 2001 amosa, como é habitual, unha maior concentración das mesmas na Unión Europea. Segundo os datos do ICEX, no ano 2001 o 62,4% do valor total das importacións procede da UE (5.845,7 millóns de euros), en tanto que a segunda área xeográfica de procedencia das compras galegas é América do Sur, co 7,5% (703,6 millóns de euros), seguida de América do Norte, co 5% (466 millóns de euros) (**cadro 1.4.5.**).

Atendendo á desagregación por capítulos das importacións galegas dos países da Unión Europea, as importacións de produtos do capítulo 87 ascenden a 2.994 millóns de euros, o que representa o 51,2% das importacións procedentes desa área económica e un

Exportacións 2001: distribución sectorial

	Importe	01/00	sector/total	G/E
	(en millóns de €)		(%)	
Enerxéticos	217,9	-5,5	2,4	5,8
Non enerxéticos	9.052,6	12,2	97,7	7,3
Sector primario	1.898,6	5,4	20,5	7,9
Productos agrícolas	1.500,9	14,8	16,2	7,8
Materias primas	397,7	-19,5	4,3	8,4
Semimanufacturas	1.032,9	7,1	11,1	3,5
Industria química	325,0	9,0	3,5	2,0
Metais	351,8	8,9	3,8	3,9
Outras semimanufacturas	356,1	3,6	3,8	8,5
Manufacturas	6.121,2	15,5	66,0	8,6
Bens de equipamento	5.064,4	15,3	54,6	9,6
Maquinaria	315,3	2,1	3,4	1,5
Materiais de transporte	4.749,1	16,3	51,2	14,7
Bens de consumo	1.056,8	16,4	11,4	5,8
Peletería	60,9	21,1	0,7	5,2
Téxtiles	733,7	20,2	7,9	12,2
Outros bens de consumo	262,2	6,2	2,8	2,4
Total	9.270,5	11,7	100	7,2

Fonte: ICEX

99,6% das importacións correspondentes ó devandito capítulo. (**Cadro C.1.6.- Importacións 2000: principais capítulos e importacións da Unión Europea, Francia, Portugal e Mercosur**)

Na Unión Europea, o principal subministrador de Galicia, por mor do papel da factoría Citroën en Vigo, é Francia. O valor total das importacións francesas ascende a 3.082 millóns de euros, o que supón o 32,9% do total das importacións galegas.

O principal capítulo arancelario é o correspondente á automoción (87) que, cun importe de 2.643 millóns de euros, supón o 85,8% do total do valor das súas importacións, e representa o 87,9% do total das importacións galegas englobadas neste capítulo. O segundo capítulo importador corresponde ó capítulo 30 (Productos farmacéuticos), cun importe de 54 millóns de euros, representando o 1,7% do total das importacións francesas e o 23,7% do valor das importacións galegas correspondentes ó devandito capítulo.

No caso das importacións galegas de Portugal, que representan o 8,6% do total

das importacións galegas no ano 2000, as dúas primeiras partidas son as dos capítulos 61 (de prendas e complementos de vestir, de punto) e a de pescados e crustáceos, moluscos e outros invertebrados acuáticos (03), cun valor de 135 millóns de euros e 112 millóns, respectivamente. No conxunto das importacións galegas de Portugal, estas partidas representan, respectivamente, o 15% e 12,5%.

Finalmente, as importacións galegas dos países do Mercosur ascenden a 449 millóns de euros, e representan o 5,3% do total das importacións galegas. Entre os capítulos arancelarios máis importantes salientan as importacións de produtos do capítulo 03, que supón un 54,1% das importacións procedentes desa área económica e un 18,4% das importacións correspondentes ó devandito capítulo.

• Exportacións

No que á análise das exportacións se refire, no **cadro C.1.5. (Importacións e exportacións de Galicia e España 2000-01)** pódese apreciar-lo maior dinamismo do sector exportador galego que crece un 11,7% no ano

1.

Importacións e exportacións 2000-01: distribución xeográfica segundo orixe e destino

	2000	2001	01/00
	(en millóns de €)		(%)
Importacións			
Europa	5.981,0	6.281,9	5,0
Unión Europea	5.551,0	5.845,7	5,3
Europa Oriental	258,0	240,9	-6,6
Países EFTA	109,0	96,0	-11,9
Resto de Europa	63,0	99,3	57,6
África	956,0	817,6	-14,5
América	1.452,0	1.637,7	12,8
Asia	481,0	600,4	24,8
Oceanía	26,0	35,3	35,7
Outros	-	-	-
Total	8.896,0	9.372,8	5,4
Exportacións			
Europa	6.965,0	7.990,8	14,7
Unión Europea	6.626,0	7.660,1	15,6
Europa Oriental	77,0	120,6	56,6
Países EFTA	99,0	124,1	25,4
Resto de Europa	163,0	86,0	-47,2
África	169,0	215,1	27,3
América	752,0	656,1	-12,8
Asia	328,0	324,8	-1,0
Oceanía	4,0	4,0	-1,3
Outros	81,0	79,8	-1,5
Total	8.299,0	9.270,5	11,7

Fonte: ICEX

1.

2001 respecto ó ano anterior, sendo o peso relativo das exportacións galegas no total español dun 7,2% fronte ó 6,7% do ano anterior.

Ó igual que acontece coas importacións, existe unha maior concentración das exportacións galegas na provincia de Pontevedra, onde tras un crecemento do 15,7% respecto ó ano anterior, o seu peso relativo no total das exportacións galegas é do 70% (**gráfico C.1.3.- Exportacións 2001: distribución provincial**).

No conxunto das exportacións galegas, o sector enerxético representa o 2,4% das exportacións (o 5,8% das exportacións enerxéticas españolas) e as exportacións de produtos non enerxéticos, considerados no seu conxunto, representan o 97,7% das exportacións galegas (o 7,3% das exportacións españolas destes produtos).

Tal e como reflicten os **cadros 1.4.4. e C.1.7.** (*Exportacións 2001: principais capítulos e exportacións á Unión Europea, Fran-*

cia, Portugal e Mercosur), o valor das exportacións correspondentes ó **sector primario** experimenta un crecemento inferior ó experimentado polas exportacións galegas (5,4% e 11,7%, respectivamente).

As exportacións dos produtos agrícolas medran un 14,8% respecto ó ano anterior, en tanto que a contía das exportacións das materias primas descende un 19,5%.

Entre os primeiros capítulos exportadores salienta-lo peso dos capítulos de produtos agrícolas 03 (pescados e crustáceos, moluscos e outros invertebrados acuáticos) e 16 (preparacións de carne, de pescado ou crustáceos, de moluscos ou doutros invertebrados acuáticos) que representan, respectivamente, o 7,9% e o 3,6% das importacións galegas. Tamén salienta, dentro das materias primas, o capítulo 44 (madeira, carbón vexetal e manufacturas de madeira), que representa o 1,9% das exportacións galegas.

O valor das exportacións das **semimanufacturas** medra un 7,1% no ano 2001,

rexistrando os subsectores químico e de metais unha medra do 9,0% e 8,9%, respectivamente. Entre os 10 primeiros capítulos exportadores de Galicia atópase o 68 (manufacturas de pedra, xeso, cemento, amianto, mica ou materias análogas), que representa o 3,5% das exportacións galegas.

As exportacións de **manufacturas**, que presentan un crecemento do seu importe superior á media galega (15,5% respecto ó ano anterior), representan o 66% das exportacións galegas, sendo o seu peso relativo no total estatal das exportacións de manufacturas, do 8,6%. Dentro das exportacións do subsector de bens de equipamento salienta o comportamento dos materiais de transporte, onde o capítulo 87 (exportacións, tractores, ciclos e demais vehículos terrestres, as súas partes e accesorios) representa o 49,9% das exportacións galegas.

No caso das exportacións de **bens de consumo**, que medran un 16,4% respecto ó 2000, salienta a evolución do valor dos produtos de peletería e dos produtos téxtiles, que medra un 21,1% e 20,2%, respectivamente respecto ó ano 2000. Entre os dez primeiros capítulos exportadores atópanse os capítulos 62 (Prendas e complementos de vestir, agás os de punto) e 61 (Prendas e complementos de vestir, de punto), que supoñen o 4,8% e 2,5% do total das exportacións galegas.

No concernente á **distribución xeográfica** das exportacións, tal e como se amosa no **cadro 1.4.5.**, a UE é, dado o contexto internacional no que nos atopamos, o principal cliente de Galicia. Segundo os datos do ICEX do valor total das exportacións galegas, as exportacións galegas á UE representan o 82,6%, en tanto que as exportacións a América do Norte e América do Sur significan o 3,2% e 2,1%, respectivamente.

Tal e como reflicte o **cadro C.1.7.** (*Exportacións 2001: principais capítulos e exportacións á Unión Europea, Francia, Por-*

tugal e o Mercosur), as exportacións galegas ós países da Unión Europea están dominadas polo papel das exportacións de produtos do capítulo 87. Estas ascenden a 4.156 millóns de euros, o que representa o 54,3% das vendas a esa área económica e un 89,8% das exportacións correspondentes ó devandito capítulo.

No caso das exportacións galegas a Francia, neste país tamén existe un predominio dos produtos do capítulo da automoción (87) que representa o 74,3% do total das exportacións galegas a Francia e o 38,6% do importe total das exportacións do capítulo 87. No caso das exportacións a Portugal, salienta a importancia do capítulo 03 que representa o 16,7% do total das exportacións a Portugal no ano 2001. Asemade, representa o 38,1% do total das exportacións galegas pertencentes ó capítulo 03 no ano 2001.

Finalmente, no concernente ás exportacións ós países do Mercosur, que representan o 1,3% do total das exportacións galegas no ano 2001, a principal partida exportadora é a correspondente á automoción que representa o 54,5% do total exportado a estes países.

• **Relacións comerciais entre Galicia e o Norte de Portugal**

O incremento da importancia das relacións entre Galicia e o Norte de Portugal reflíctese no crecemento experimentado polos intercambios comerciais entre as dúas rexións. Os datos do **cadro 1.4.6.** reflicten que en 1999 o valor total das exportacións galegas cara ó Norte de Portugal medrou un 21,7% respecto ó ano anterior, acadando os 619.121,2 miles de euros, en tanto que as importacións aumentaron un 24,2% acadando un valor de 437.243,5 miles de euros. O saldo da balanza comercial galega medrou un 16,2% pasando dos 156.477,1 miles de euros de 1998 ata os 181.877,7 miles de euros de 1999.

Atendendo ós produtos importados, o devandito cadro reflicte a importancia do sec-

1.

Importacións e exportacións de Galicia-Norte de Portugal. 1998-99

	Exportacións			Importacións		
	1998	1999	9998	1998	9997	9998
	(en miles de €)	(en miles de €)	(%)	(en miles de €)	(%)	(%)
	(%/total)	(%/total)		(%/total)		(%/total)
Productos agrícolas, gandeiros e da pesca	170.893,0	194.723,1	31,5	55.258,3	15,7	12,2
Productos da industria alimentaria	32.550,8	45.333,2	7,5	4.141,0	1,2	1,1
Minerais e as súas manufacturas	35.956,8	41.364,1	6,7	16.199,1	4,6	5,1
Productos da industria química	37.273,0	43.391,3	7,0	15.988,7	4,5	5,7
Téxtil e confección	73.874,6	77.510,7	12,5	148.019,7	42,0	40,6
Madeira, pasta e papel	45.466,0	56.457,9	9,1	25.557,4	7,3	19,4
Metal e as súas manufacturas	47.219,7	54.760,6	8,8	28.057,0	8,0	7,0
Máquinas e aparellos	32.441,4	43.159,3	7,0	24.904,1	7,1	6,1
Material de transporte	18.565,9	40.559,3	6,8	24.939,6	7,1	6,1
Otras mercadorías	14.333,5	20.861,7	3,4	9.032,6	2,6	1,8
Total	508.574,6	619.121,2	100	352.097,5	100	100
					21,7	24,2

Fonte: IGE

tor téxtil e de confección, que acolle o 40,6% do valor total das importacións galegas, seguido dos metais e as súas manufacturas e dos produtos agrícolas, gandeiros e da pesca, co 13,6% e 12,2%, respectivamente. Comparado co ano anterior, salienta o crecemento do 111,7% rexistrado polo valor total das importacións dos metais e as súas manufacturas, e a medra do 55% experimentado no caso dos produtos da industria química, fronte ó descenso do valor das importacións no caso dos produtos agrícolas, gandeiros e da pesca, cun 3,1% menos que en 1998.

Os produtos agrícolas, gandeiros e da pesca son a principal partida exportadora, ó representar o 31,5% das exportacións cara á rexión Norte de Portugal, seguidos polas exportacións dos produtos do téxtil e da confección, co 12,5%. Comparado co ano 1998, salienta o forte crecemento experimentado polo sector de material de transporte, co 118,5%, e polos produtos da industria alimentaria, co 42,3%.

Investimento galego no estranxeiro

No concernente ós fluxos de investimento da comunidade galega no exterior, o investimento bruto no ano 2001 acadou os 419.848 miles de euros (un 107,5% máis do investido no ano anterior), dos que 259.006 miles de euros corresponderon a ampliacións, 144.438 miles de euros a adquisicións e 16.404 miles de euros a constitucións de empresas.

Comparado co total estatal, o investimento galego no exterior representa o 0,56% do importe total do investimento español, sendo a décima comunidade que máis inviste no estranxeiro, tras Madrid, Cataluña, Murcia, Canarias, País Vasco, a C. Valenciana, Cantabria, Baleares e Aragón. (**cadro 1.4.7.**)

Sectorialmente, e tal e como amosa o **cadro 1.4.8.**, no ano 2001 Galicia concentra a meirande parte do seu investimento no

estranxeiro no subsector “outras manufacturas” onde a fabricación de vehículos de motor e compoñentes constitúe a práctica totalidade do mesmo. En termos porcentuais, este último representa o 80,6% do total investido. Séguenlle en importancia o comercio e agricultura, gandería, caza, silvicultura, que acollen o 7,9% e 7,0%, respectivamente.

Especial mención merece o subsector agricultura, gandería, caza silvicultura e pesca, que representa, **cadro 1.4.8.**, o 35,3% do investimento estranxeiro total español no sector primario. O subsector “outras manufacturas” representa o 21,0% do total investido en España nesta materia.

No concernente á **distribución xeográfica**, o **cadro 1.4.9.** amosa a concentración do investimento galego en Arxentina, que con 359.681 miles de euros, acolle o 85,7% do total investido. Outros destinos de importancia son Alemaña, co 3,2% (13.551 miles de euros) e Brasil, co 2,2% do total investido (9.105 miles de euros). Comparado co investimento estranxeiro do conxunto do estado, cómpre salienta-lo fluxo de investimento a Arxentina, que representa o 32,9% do total investido por España nese país.

Plan de Fomento das Exportacións Galegas

O Plan Foexga constitúe un dos instrumentos ó servizo da internacionalización das empresas galegas, realizando no ano 2001 un total de 126 accións, cun investimento de 2.454,1 miles de euros (un 11% máis que no ano anterior).

Como reflicte o **cadro 1.4.10.**, das 126 accións desenvolvidas no ano 2001, cómpre salienta-las accións relativas ás ferias internacionais, e as misións comerciais directas. No primeiro caso, o número de realizacións ascendeu a 30 (26 delas en países europeos), das que 22 corresponden a visitas a ferias e 8 a realizacións de participacións e ferias internacionais. O número de empresas participan-

1.

CADRO 1.4.7.

Investimentos no exterior das CC.AA. 2000-01

	2000		2001		01/00
	(en miles de €)	CA/total (%)	(en miles de €)	CA/total (%)	
Andalucía	264.826	0,35	34.376	0,05	-87,0
Aragón	10.965	0,01	498.998	0,67	4450,8
Asturias	17.714	0,02	4.017	0,01	-77,3
Baleares	59.092	0,08	550.587	0,74	831,7
Canarias	262.107	0,34	2.846.409	3,82	986,0
Cantabria	372.305	0,49	522.406	0,70	40,3
Castela e León	36.343	0,05	20.158	0,03	-44,5
Castela-A Mancha	36.581	0,05	30.506	0,04	-16,6
Cataluña	7.726.936	10,14	3.541.106	4,75	-54,2
C. Valenciana	2.717.017	3,57	1.287.852	1,73	-52,6
Extremadura	11.436	0,02	40.375	0,05	253,1
Galicia	202.341	0,27	419.848	0,56	107,5
Madrid	58.770.221	77,15	59.159.541	79,33	0,7
Murcia	3.167	0,00	3.406.651	4,57	107467,1
Navarra	20.949	0,03	18.296	0,02	-12,7
País Vasco	5.668.447	7,44	2.195.844	2,94	-61,3
A Ríoxa	482	0,00	106	0,00	-78,0
Ceuta e Melilla	-	-	148	0,00	-
Total	76.180.929	100	74.577.224	100,00	-2,1

Fonte: Registro de Inversiones Españolas en el Exterior

CADRO 1.4.8.

Investimento bruto de Galicia e España no exterior 2001: distribución segundo actividade económica

	Galicia		España		G/E
	(en miles de €)	(% / total)	(en miles de €)	(% / total)	
Agricultura, gandería, caza, selvicultura e pesca	29.542	7,04	83.619	0,11	35,3
Produc./Distribuc. enerxía eléctrica, gas e auga	-	-	1.006.391	1,35	-
Ind. extract., ref. petróleo e tratamento combustibles	1.593	0,38	314.143	0,42	0,5
Alimentación, bebidas e tabaco	654	0,16	1.717.547	2,30	0,0
Ind. téxtil e confección	3.536	0,84	99.775	0,13	3,5
Ind. papel, edición e artes gráficas	-	-	561.999	0,75	-
Ind. química	5.000	1,19	3.387.075	4,54	0,1
Outras manufacturas	338.629	80,66	1.611.925	2,16	21,0
Construcción	-	-	244.015	0,33	-
Comercio	33.274	7,93	2.150.170	2,88	1,5
Hostelería	-	-	735.715	0,99	-
Transporte e comunicacións	-	-	4.103.974	5,50	-
Intermediación financeira, banca e seguro	6.086	1,45	14.849.659	19,91	0,0
Actividades inmobiliarias e servicios	522	0,12	571.925	0,77	0,1
Xestión de sociedades e tenencia de valores	1	0,00	42.863.723	57,48	0,0
Holding e Outros	1.011	0,24	275.568	0,37	0,4
Total	419.848	100	74.577.223	100	0,6

Fonte: Registro de Inversiones Españolas en el Exterior

CADRO 1.4.9.

Investimentos directos no exterior das CC.AA. 2001 ⁽¹⁾: distribución segundo áreas económicas de destino

	OCDE	UE	EE.UU.	Latinoamérica	Total ⁽¹⁾
	(en miles de €)				
Andalucía	14.478	14.478	-	15.738	34.376
Aragón	498.496	62.390	-	3	498.998
Asturias	1.406	1.406	-	-	4.017
Baleares	533.858	533.858	-	5.324	550.587
Canarias	1.280.356	441.327	-	1.530.099	2.846.409
Cantabria	34.125	7.815	26.310	486.522	522.406
Castela e León	16.342	321	-	3.116	20.158
Castela-A Mancha	2.900	1.054	540	27.368	30.506
Cataluña	2.720.179	2.192.661	482.656	718.226	3.541.106
Comunidade Valenciana	1.279.322	1.271.186	5.368	4.385	1.287.852
Extremadura	40.375	40.350	25	-	40.375
Galicia	35.833	20.618	7.125	377.567	419.848
Madrid	35.528.583	28.094.053	959.078	23.268.863	59.159.541
Murcia	3.400.098	3.400.098	-	6.319	3.406.651
Navarra	401	291	110	6.220	18.296
País Vasco	1.969.001	656.131	698.334	225.553	2.195.844
A Ríoxa	106	94	12	-	106
Ceuta e Melilla	-	-	-	-	148
Total	47.355.859	36.738.131	2.179.558	26.675.303	74.577.224

(1) o total inclúe ademais o resto de investimentos fóra desas áreas xeográficas concretas
Fonte: Registro de Inversiones Españolas en el Exterior

CADRO 1.4.10.

Resumo das actividades do Plan FOEXGA 2001

	Accións	Total	Aportacións Xunta	Aportacións empresas	Aportacións Cámaras
			(en €)		
Misións comerciais directas	28	627.243,7	271.307,0	201.218,8	154.717,8
Feiras internacionais	30	791.199,8	278.640,9	331.951,9	180.607,0
Outras accións conxuntas	37	334.525,4	193.982,8	395,6	140.147,0
Misións comerciais inversas	14	125.243,0	71.894,6	2.253,8	51.094,6
Misións de estudos	1	64.268,7	26.528,1	22.425,1	15.315,5
Bolseiros no exterior	16	326.325,4	163.162,7	-	163.162,7
Promocións de turismo		185.329,7	81.327,2	36.469,6	67.532,9
Total	126	2.454.135,6	1.086.843,3	594.714,8	772.577,6

Fonte: Plan de Fomento das Exportacións Galegas (FOEXGA)

tes foi de 480 e o investimento total de 791,2 miles e euros.

No concernente ás misións comerciais directas, o número total ascendeu a 28 (13 en Europa, 8 en América, 3 en Asia e 4 en África) e o número de empresas participantes foi de 301. A meirande parte das misións son de carácter multisectorial, e como sectores específicos, salientan o turismo e o sector naval. O investimento do plan neste tipo de accións ascendeu a 627,2 miles de euros.

Respecto ó investimento total do plan, este ascendeu a 2.454,1 miles de euros, dos que a Xunta aportou 1.086,8 miles de euros (o 44,3% do total investido), as cámaras 772,6 miles de euros (o 31,5%) e as empresas un total de 594,7 miles de euros (o 24,2%). O maior gasto correspondeu ás ferias internacionais e as misións comerciais directas, quen acollen o 57,8% do total investido. ■

1.

